

تورک بوروی

Yıl : 1 Sayı : 3 15 Kanunı evvel 1327

تورکک رک فاندمنه چالشیر
اون بش کونده بر چیقار

« اولورمی هیچ ، دیدم ، بویلرک بریسی اولماق ؟ »
 باقوب دوریرکن او یله اک صوکنده بولدم ایزلری ،
 نه کوردی کوزلرم ، آمان ! بیر آز آتجه بن آیاق :
 یاما جده طوبلانوب « طوب » اوینایوردی کویلو قیزلری ...
 ۲۲ تئمرین نانی ۱۳۲۷

عبرالباقی فیزی



شمالی تورک ادبیاتینده

بر محبوبسک خاطره لری

۶

قازان محبسی ، ۱۶ مادت ۱۹۰۶

آقشامه طوغرو هرکس بوموقت قبرینه آرتق یرلشمشدی . موقت ...
 بلمکه بعضاری ایچون مؤبدده ...

هنوز اورتالق قارارمه دن بن صوکنه یاقینلاشان رومانمی « بومپه یک
 صوک کونلری » بیترمه یه اوغراشیوردم : سیرقک قارا کلق زندانی ... یونانی
 غلوکوس ونصرانی اولنیتوس ، اوراده ، آرسلان وقابلانلرک یرتیجی
 طیرناقلری ، آچ دیشلری ایله پارچه لئمه یی ، بری جرمسز محکومیتک ویردیکی
 عزت نفس ایله قوی القلب ، ایکنجیسی نهایتسز ، الهی بر ایمانک بخش
 ایتدیکی قدسی بروجدا یله مشتاق موت ، بکلیورلر ... بوذار ، قارالحق ، رطوبتلی
 بودرومک اوته سنده ، کنیش ، آیدینلغه مستغرق ، بیکلرجه خلکک شمه تلی ،
 شوق وشطارتلی حیاتیله جوشان سیرق ... میدانده قانلی کوره شلر ، زمین قاتله
 ملوث ... اورطه لنی قان قوقوسی طوتمش ... خلقه ، بوپوزولمش رومالیلره
 قان کورمک ، قان قوقوسی آلق وحشی بر ذوق ، بر لذت ، بر جنت ویریور ؛
 باغرییورلر ، کولویورلر ، چیرپنیورلر :

— هابه !.. نون هابه !..

نصرانی اولینتوس ... بو بر قنوت که بوتون بوقوی و محشم ، دبدبه لی
لکن عدالتسز ، ظلمکار جمعیتی ، مدیتی ، باطلایان بر بومبا کی تارومار
ایده جک ... نصرانیت ، ناصریه دن انفلاق ایدن مقدس ذاتک سیاوی
نصایمندن زیاده بوتون عالمی قاپلایان عدالتسز لکدن ، بشریتک جزئی بر
قسمی ، آلتون کوموشه کومولش ، سعیر ، ایده آلسز ، بوش حیاتلری
اگسفلی سفاقت ، اگقانی وحشتلره کچرمه یه اوغرا شیرکن ، چوغنک امیدسز ،
فردامنز بر آجاقله جان چکشمه سندن طوغمشدی

نصرانیتک ایلک ناشرلری ، رسولر ، انسانیت ایچون کنیدلیری اونو-
تمشردی : اولینتوس ، اوچ بش دقیقه صوکره هر عضوی بر برر قوپاریلوب
یارچه له جفنی خاطرینه بیله کتیرمیه رک ، زندانده کی آرقداشنه نصرانیتک اگ
صاف عقیده سنی ، - محبت و عفو ی تلقین ایله مشغولدی !...

اولینتوس ظهور نصرانیتده بردکلدی ؛ روماشهرلری سیرقلرینک هپسندمه .
بر قاج اولینتوس ، وحشی حیوانلر جسمسز طیرناقلری و دیشلری ایله
پازچالانمقده ، یاخود پازچالانمیه حاضر لاقمده ایکن ، سیاوی بر دینک نورلی
سوزلریله ، فلاکت رفیقارینی تسلی وارشاد ایله لرلردی ؛ - ایشته بو زمان
اختیار دنیانک بویوک بر انقلابی باشلایوردی ...

روما ایمراطورلغی ، محبت ، اخوت و مساوات آرزوسندن طوغان بویکی
دنیا نک انتشارینی منعه چالیشمقده حقلی دکلاییدی ؟ ... نصرانیلر ، عصرلردنبری
طاییلان معبودلری تحقیر ایدیورلر ؛ ده دلرنده نبری کوکشمش اساسلری ،
ملک ، عائله ، وطن فکرلرینی منتشر اخلاق و عاداتی ، شکل جمعیتی ، حاصلی
هر شیئی دیکشدریورلردی . دولت و حکومت اوزون زمان یاشامه لری ایله
محقوق طبیعی عدولتان مؤسسه لک مدافعیدر ؛ اونلری مدافعه ایتمزه وظیفه سنده
قصور ایلش اوله جقدی .

ارضک کونش اطرافنده کی محرکی نه قدر آز ده کیشیورسه ، وقایع
بشریه ده تکررنده اوقدر آز تبدل ایدیور : شیمدی اطرافنده
کور دیکم بو کنج روحلرک چوغنده ، اولینتوسک آتشی ایمانی وار ...

چوغى مسعود برانسانيت ايجون كندىلرني اونوتمشلر ، ايدىلار يىنه بوتون عادى ذوقلرى قربان ايتمشلر... اونلرى بو زندانده ايكلتدكدن صوكره كونشلى سىرقك يىرتيجى حيوانلر يىنه دكل ، سىربانك اولدىرىجى بياض صوغوقلر يىنه تسليم ايدىلار جك حكومت ده جمعيت حاضرەنك مدافعلىكى وظيفەسىنى ايفا ايدىيور...
 بن بوايدى آل قربانلر يىنه تحسینكارم، حكومت ده معذوردر؛ لکن هرايكىسى ده بيهوده اوغراشييورلر : دنيا يىنه اسكى محرکنده دوام ايدىلار جك ، بوكونكى جمعيت مطلق ده كيشه جك ؛ فقط ، افسوس ، بشریت ، زواللى بشریت يىنه مسعود اولاميه جق !..

آى بك .

دیز

بك اسكى تورك ادبياتى

توركلك عسكر، سياسى، حاكم وجهانكيز برملت اولدىغى انكار ايدن بولوناماز سه ده، بشرىتك مدنيتجه تكامل وترقيسندى توركلك مهم وشرقى بر حصه لرى اولدىغندى شيه ايدنلر آز دكلدر . لکن بو شيه ده صرف بيلمه مكدن ، توركلك تاريخى هنوز ايجى اوكره يلامه مش اولقندن نشأت ايدىر . شمدى شرقى ياخود چينى توركستان ديدىكمز اولكه ده ، بوندن بيك ، بيك ايكيز ييل اول ، توركلك ديل ، ادبيات وصنایه جه يوكسك بر مرتبه يه ايردكلرى ، يكرمنجى عصر ميلادى ابتدا سندنرى ، اورالده اسكى تورك مدنيتى بقيه لرى آرامقله مغول آلان ، روس فرانسز هيات فنيه لرينك بولوب . جيقار دقلرى اثر و وثيقه لرله اثبات اولوغشدر .

توركلك بابالردن قاله بو بك قيمتدار خزينه لر ، آوروپا عالملى طرفندن يواش يواش ميدانه جيقار ييور ؛ شرقى توركستاندن برلين ، لوندردى ، پترسبورغ وباريسه ، صنديق صنديق هيكل ، رسم ويازى طاشينور ؛ صوكرده آلمانجه انگليزجه ، روسجه وقرانسرجه علمى مجموعه لر ، بو وثيقه لرك رسملرني درج ايدىلار ، آوروپا ليله ، بزم اسكى مدنيتى آكلتيورلر . اما بزا كثر يا بونلردن خبرسز قاليورز .

« تورك درنكى » و « تاريخ عثمانى انجمنى » عالم اعضالردن محترم صفوت بك افندى .